

ENSERAMENTU Y SPANSON DI SKOLAS PA 2011**Apoiu pa famílias na skolas afetadu.**

Enseramentu y fuzon di skola é difisil pa tudu algen, ma é un pasu nesesariu pa kria un sistema di skola di kualidadi ki nos kriansa ta meresi. Sima nhos, nu kre tudu di midjor pa nhos kriansa. BPS sta enpenhadu na apoia nhos na es prusesu fazendu seson di informason, konselharia di skolhas di skola y vizita spesial pa novu skolas. Nu ta sta dispunivel pa nhos atraves di telefoni, email o pesualmenti. Nu ta valoriza nhos desizon di skodji BPS y nu ta ben apoia nhos duranti es tranzison.

*Atensiozamenti,
Carol R. Johnson
Superintendenti*



Alunus di skolas ki sta ta fitxa ta partisipa na siklu normal di skolha, ki ta bai di 9 di Fevrueru pa 25 di Marsu pa alunus na graus ki ka é jardin, grau 6 y grau 9. Maior parti di alunu ki ta ten ki muda skola pamodi enseramentu di skola ta sta na es kategoria. Pa midjor oportunidadi di ser kulokadu na skola ki nhos kre mas, asegura ki nhos aplika duranti es periodu y nhos skodji pelu menus sinku skolas. **Alunus di skolas ki sta ta fitxa ta ten priuridadi pa entra na skolas ku lugar dispunivel, dipos ki levadu en konta fator di irmon/irma.** BPS ta dedika rekursu spesial pa nhos familia na Dezenbru pa djuda nhos na es prusesu:

Seminariu Spesial di Informason di Tranzison pa Famílias na Dezenbru

Kes seminariu ta djuda nhos sabi mas sobri nhos opson. Fetu pa nos Sentru di Rekursu di Familia, kes seminariu ta oferesi informason sobri skolas na kada zona, stimativa pa lugares dispunivel, y ki skolas devi ser konsideradu pa nhos kriansa. Diretores di skolas ta sta dispunivel pa papia ku nhos na kada seminariu.

Zona Nort: 20 di Dezenbru, 6-8 di noti, 75 Malcolm X Blvd., Roxbury

Zona Oesti: 20 di Dezenbru, 6-8 di noti, 515 Hyde Park Ave., Roslindale

Zona Esti: 21 di Dezenbru, 6-8 di noti, 1216 Dorchester Ave., Dorchester

Reúnions Fetu na Skola

Un membru di ikipa di skritóriu sentral BPS ta fazi reúnion na nhos skolas na Dezenbru pa oferesi informason sobri nos apoiu pa famílias y alunus y respondendu kalker pergunta ki nhos podi ten.

Vizita a Novus Skolas

En alguns kazu, un skola ki sta ta fitxa sta djunta ku un novu skola. Alunus ta ten lugar garantidu na es novu skola, ma nhos podi skodji un skola diferenti. BPS ta ten vizita spesial di skolas pa alunus y pais pa nhos podi odja idifisiu, vizita sala di aula, papia ku profesor y enkontra ku novu direktor. Alguns di kes skolas ki sta ta fitxa ka sta djuntandu ku otus skolas. Nos pesual di Sentru di Rekursu pa Famílias ta djuda nhos sabi mas sobre opson y podi ajenda vizitas pa otus skolas na nhos zona duranti Tenpu di Mostra Skolas, ki ta bai ate 21 di Janeru.

Sentru di Rekursu pa Famílias ta Opera pa Zona

Famílias podi senpri txoma o vizita kalker un di nos Sentru di Rekursu pa Famílias pa papia ku pesual sobri novus skolhas y modi ki ta matrikuladu. Nhos podi txoma Sentru di Rekursu di BPS na nhos aria pa marka un vizita pa konselharia di skola. Markandu vizita ta garanti nhos ki un enpregadu sta dispunivel pa papia ku nhos sobri un asuntu spesifiku.

FRC di Zona Esti: (617) 635-8015 1216 Dorchester Ave., Dorchester

FRC di Zona Nort: (617) 635-9010 75 Malcolm X Blvd, Roxbury

FRC di Zona Oesti: (617) 635-8040 515 Hyde Park Ave., Roslindale